


लईका मन बर बाईबिल  
प्रस्तुत करत हवे।



ईशु बर एक  
ठीन भयंकर  
बेरा



लिखे गए हवे। : Edward Hughes

उत्साह बढ़ाए गए हवे। : Byron Unger; Lazarus

चयन करे गए हवे। : M. Maillot; Sarah S.

अनुवाद करे गए हवे। : मधुलिका महतो

बनाए गए हवे। : Bible for Children  
[www.M1914.org](http://www.M1914.org)

©2015 Bible for Children, Inc.

लाइसेंस : आप मन करा इ कथा ल छापे बर अऊ नकल करे के अधिकार  
तभे तक हे जब तक आप मन एला बेचिहा नाही।



जब ईशु हर  
बपतिस्मा लिस, भगवान  
हर गोठियाइस । वोहा  
कहिस कि इहर मोर  
अब्बड़ मयारू बेटा हावय ।  
ओखर ले "मयहर पुरा  
हिरदे ले परसन्न हावय ।"  
भगवान के पबितर आत्मा  
हर एकठीन परेवा कस  
इशु के उपर म उतरीस ।



ओखर तुरत पाछु, भगवान  
के पबितर आत्मा हा एक  
ठीन बालु भरै जघा म ईशु  
ल ले गइस। इसु ऊहाँ  
एकेझीन रहिस।



इसु हर चालीस दिन ले उपास करिस। ऐखर  
कारन हावय कि ओहर कोन्हों परकार के जीवन  
ल नइ खाइस। ओहर अब्बड़ भुखाय रहिस।



बाइबिल हा बताथे कि ऊहाँ जंगली पशु घलो रहिस।



सइतान हा ईशु के परीछा लेहे बर आइस ।  
सबले आधु ओहर आदम अऊ हवा ल अदन  
के वाटिका म भगवान के आग्या नई  
माने बर उकसाए रहिस ।  
अब ईशु के परीछा  
करे बर रहिस ।



सइतान भगवान के बेटा,  
इशु के घलो परीछा लेहे  
के कोसिस करिस।'





सइतान हा कहिस, जदि "तैहर भगवान के बेटा हावस, त इ पथरा ल रोटी म बदल दे।" ओला बेरा रहिस कि ईशु हा भुखन हावय। ओहर इ घलो जानत रहिस कि भगवान के बेटा हा पथरा ला रोटी म बदले सकत हावय। का ईशु हा सइतान के आग्या ल मानीस ?



नई। ईशु शइतान के आग्या के पालन नइ करिस। एखर बदला ओहर भगवान के बचन ले ओहर जुआब दिस, "कि लिखाय हावय कि मइनखे खाली रोटी लेच नई, लेकिन सब्बो इन बचन ले जोनहा भगवान के मुहुँ ले निकरिस हे जियत रहीं।"



फेर सइतान ईशु ला जिहाँ मइनखे मन भगवान कर पुजा-पाठ  
करथे, पबितर मंदिर थरु सलेम के महान सहर म ले गइस ।  
सइतान हा आघु काय करे बाला रहिस ?




सइतान हा कहिस, “जदि तेहर भगवान  
के बेटा हावस, त अपन आप ल इ  
पहार के टीप ले गिरा दे। काबरकि  
ओखर बचन के अनुसार ओखर  
स्वरगदूत मन तोला बचा ले हीं।”



“नई” । ईशु हा जुआब दिस । “एहु घलो लिखाय हावय ... कि तय अपन परभु के परीछा झन करबे ।”






सइतान हा फेर ले कोसिस करिस । ओहर, सहर के बाहिर  
ईशु ला एकठीन अब्बड़ उपर पहार के टीप म ले गईस ।



सइतान हा ईशु ला सनसार के राज कर  
सब्बो रूप-रंग ल देखाइस, फेर सइतान  
हा कहिस “जदि तै तरि म झुकके मोला  
जोहार करबे त मय हा तोला इ सबो  
जीनीस ला दे दिहा।”



तभे ईशु हा ओला कहिस, "हे सइतान दूर हो जा, काबर कि लिखे हावय, कि तैय हा परभु अपन भगवान ल परनाम कर, अऊ खाली ओकरेच उपासना करबे।"





सइतान हा थोर कन देर बर  
ईशु ल छोड़ दिस। फेर  
कुछु अद्भुत होइस।  
भगवान ओखर बेटा  
ईशु ला सुरताय बर  
अऊ देखभाल बर  
स्वरगदूत मन ला  
भेजिस काबर कि  
ओहर सइतान के  
गोठ के पालन  
नई करिस।



ईशु बर एक ठीन भयंकर बेरा

इ कथा हर भगवान के बचन के द्वारा एक ठी बाईबिल

पाए जाथे ।

मत्ती 4, लुका 4

"आप मन कर बानी हर एला अंजोर देथे ।"

भजन संहिता ११९ : १३०



समाप्त ।



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

